

Ամենօրեայ կեանքը, դժուարին պայքարը հացի համար եւ հաճոյքի համար, քաղաքների տնտեսական կազմակերպումը, դասակարգերի կռիւը, ընկերային տարրերի բախումները, այս կեանքի բոլոր վայելքները միանգամայն անտեսուած են, ստեղծագործական, մշակոյթային դարերում:

Հոգին բարձրանում է, հարստանում, փարթամօրէն ծաղկում եւ միտքը տրոփում է տիեզերքի հետ:

Մշակոյթային դարեչըջանները, առ հասարակ, տնտեսական եւ ընկերային կազմակերպչական տեսակէտից ամենից յետամնացն են: 10-րդ դարից մինչեւ 13-րդը, մշակոյթային այդ ժամանակամիջոցում, Իտալիան խաւարի մէջ է եւ տխուր:

Գինօ Կամպանին մեզ պատմում է ciompi-ների ամբոխների մասին, որոնք ոտաբոսիկ են ման գալիս, ժողովրդի մարդկանց մասին (popolani), որոնց անընդհատ վիրաւորում եւ ծեծում են «մեծ եւ գոռոզ քաղաքացիները», Միլանի դանդուածների մասին, որոնց դէմ սպիտականը կարող է բռնակալ հանդիսանալ եւ մի քիչ ոսկի տալով սպաննել:

Բօնիֆաս VIII-ի ժամանակ, Գելֆերի եւ Գիրելլինների կուսակցութիւնները իրենց անվերջանալի պատերազմների մէջ գործ են ածում վայրագ կիրք եւ ահաւոր զէնքեր: Կենտրոնական Իտալիան մատնուած է հուրի եւ սուրի:

«Քաղաքը,— ասում է Դանտէի դատապարտուածներից մէկը,— նախանձով այնքան լեցուն է, որ այլեւս տոպրակից դուրս է յորդում»:

Ամէնտեղ «արիւն է հոսում», ըստ նոյն Դանտէի, ամէն տեղ անողոր պատերազմ է, չար եւ անսիրտ պայքար, աւերում: Եւ սակայն, այդ վարը Յովակիմ Ֆլորացու, Սուրբ Ֆրանչիսկոսի եւ նոյն Դանտէի դարն է: Իտալիական մտքի, նկարչութեան, բանաստեղծութեան լուսադոյն դարեչըջանը:

Աւելի հեռու զննալու համար, վերցնենք 18-րդ եւ 19-րդ դարերը Գերմանիայում: Աղքատ, թոյլ, բաժանուած մի երկիր: Անվերջանալի պատերազմներ, արչաւանքներ, կռիւ, անկազմակերպութիւն եւ թշուառութիւն:

Բայց, չնայած դրան, ահաւասիկ ընտրեալների մի խումբ, մտաւորական ազնուականութեան մի հոյլ, որոնք պատմական դէպքերից վեր (ոչ թէ դուրս) անշահախնդիր կերպով, դարբնում են Գերմանիայի հոգին, հարստացնում եւ բացատրում փիլիսոփայապէս: Գէօտէն, Կանտը, Նովալիսը, Ֆիխտէն, եւ շատ ուրիշներ հոգեկան արժէքների կոյտեր են ղեղում եւ կառուցում դաղափարների մեծ շէնքը:

Կամ ի՞նչ դժնդակ եւ չար կենցաղներ էին վերածնութեան շրջանում: Բաւական է արագ հայեացք նետել ժամանակակից գրուածքների վրայ այդ մասին խոր համոզում կազմելու համար: Մակկիավելլու նամակները, Չելլինիի «կեանքը», Վազարիի «կեանքերը» եւ հազար ուրիշ աղբիւրներ լի են տեղեկութիւններով այդ մասին:

Մշակոյթը որոնում է իրականութիւնը եւ հարստութիւնը, ընկերային կեանքի խաղաղութիւնը, քաղաքացիների երջանկութիւնը: Մշակոյթը լոկ հոգեկան ձգտում է, թոռիք եւ ճշմարտութեան որոնում, նա «կեանքի մեծ անյաջողութիւն է»:

* * *

Մշակոյթային ամէն դարեչըջան ճակատագրականօրէն յանգում է քաղաքակրթութեան: Նա ենթարկում է իր մտերիմ օրէնքին, այլափոխում է, կորցնում իր զէնքը եւ այլասերում: Հոգեկան լարուած աղեղը վայր է իջնում, թուլանում եւ կեանքը դառնում է նիւթական եւ կազմակերպչական մտահոգութիւն:

Նշանակալից է, որ մշակոյթ բառը, իր ամբողջ փիլիսոփայական նշանակութեամբ, գերմանացիներն են ստեղծել: Քաղաքակրթութիւնը լատին, բօման բառ է: Լատին ոգին միշտ էլ կապուած է եղել “civilas”ի հետ: Ռուսօն՝ տիպական բօման այս խորհողը՝ միշտ յանուն ժողովրդի կամ ընկերութեան է խօսել, մինչ գերմանացիների համար պետութիւնը ոստիկանական բնոյթ է կրել եւ ժողովուրդը՝ անյայտ ամբողջութիւն:

Լատինների համար Uebermensch-ը Օդիլատ Կօնտի le grand Etre-ն է ու Շպենդլերեան «Ֆաուստեան» մարդը միանգամայն: